

THE JOURNALISM FOR DEVELOPMENT

2010-2018

ХӨГЖЛИЙН ТӨЛӨӨ СЭТГҮҮЛ ЗҮЙ

СУРГАЛТ

Trainings

“Хөгжлийн төлөө сэтгүүл зүй” 2010 оны дөрөвдүгээр сарын 19-нд байгуулагдсанаасаа хойш сэтгүүлчдийн дунд мэргэжил дээшлүүлэх сургалтыг нийслэл хотод, мөн орон нутгийн сэтгүүлчдэд зориулсан сургалт, хөрөнгийн зах зээлтэй танилцах аяллыг хилийн чанадад тус тус зохион байгууллаа.

To introduce global standards of responsible and independent journalism in Mongolia, and to organise trainings to enable local journalists to collect information, assess and analyse it, and then to write with understanding and skill.



Сэтгүүлч ТАНАА,

www.journalism.mn сайт сурвалжлагч Таны том цүнхэнд, дэвтэр үзэгтэй тань хамт сэгсчүүлж явсаар хагас сарыг үдлээ. Үзэгч, уншигч олноо хэрэгтэй мэдээ материал бэлтгэх гэж яаруу сандруу алхах сурвалжлагч Таны амьдралын шаргуу хэмнэл, ажил хөдөлмөрч чанар бахархалтай.

Харин сэтгэлдээ ямархан бодол тээж, ар гэртээ ахуй боломж ямар байгааг Танаас өөр тоож сонирхох хүн үгүй ч байж мэднэ. Тиймээс Та манай сайтын эхний санал асуулгад “Сэтгүүлчийн цалин амьдралд хүрэлцдэггүй ээ” хэмээн хариулсан биз ээ. Санал асуулгад оролцсон сэтгүүлчдийн 91 хувь нь “цалин хүрэлцдэггүй” гэсэн хариулт өгчээ. Нийт 160 сэтгүүлч асуулгад оролцсон байна. www.journalism.mn сайтын санал асуулга нэг компьютерээс нэг санал авах горимоор хийгдсэн тул бодитой үр дүнг өгүүлдэг юм. Сурвалжлагчийн сэтгэлд явдаг, магадгүй Эрхлэгчдээ ил гарган ярихаас эмээдэг тэр асуултын хариултыг Эрхэм эзэд, Эрхлэгч нар аа анхааран үзнэ үү. Энэ бол “нийгмийн халамжийн чанартай” асуулт, хариулт биш агаад олон нийтийн оюун санааны охь болж тэргүүлэн явах учиртай сэтгүүлчид маань өөрсдөө гундуу гандуу амьдарч байгаагийн тусгал юм. Анхаарах цаг нь болсон асуудал мөн билээ.

“Хөгжлийн төлөө сэтгүүл зүй” байгууллага үйл ажиллагаагаа эхлүүлсэн сар хагасын хугацаанд телевиз ба сонины сэтгүүлчдэд зориулсан хоёр сургалт зохион байгуулаад байна. Манай дараагийн сургалт орон нутагт зохион байгуулагдахаараа онцлог. Уул уурхай дагасан эдийн засаг эрчимжих шатандаа дэвшиж буй энэ цагт хязгаар нутгуудад хүртэл аварга бүтээн байгуулалт өрнөх

нь. Энэ тухай болон бүтээн байгуулалт, их хөрөнгийн урсгал, хотжилтыг даган хөдөлгөөнд орох сайн, муу бүхий л үр дагаврын талаар газар дээрээс нь мэдээлэх учиртай орон нутгийн хэвлэлийнхэн маань хэрхэн ажиллаж байгаа билээ? Тэдэнд ямар бэрхшээл тулгардаг, ямар сургалт шаардлагатай байгаа юм бол? Өнөөдөр бид орон нутгийн тухай газар дээрээс нь сурвалжилсан мэдээллийг зөвхөн Инфо сүлжээний сэтгүүлчдийн бэлтгэсэн мэдээнээс үзэж, сонсож байгаа. Энэ бол их сайн эхлэл юм. Эх орныхоо өнцөг булан бүрээс Инфо сүлжээгээр мэдээлэл татан авч, төв сууриндаа мэдээ цацаж байгаа TV9 телевизийн бүтээлч хамт олонд талархал илэрхийлье.

Говийн бүсийн сэтгүүлчдэд зориулсан манай шинэ сургалтын талаарх сонирхолтой мэдээ, орон нутгийн сурвалжлагчийн санаа бодлыг Та бүхэн www.journalism.mn сайтаас мөдхөн олж уншина. Эх орны хөгжлийн шинэ мөчлөг дор Монгол оронд шинэ сэтгүүл зүйн сэргэг давллагаа түрэн орж ирэг ээ. Тэрхүү давллага нь мэргэжлийн түвшин хэмээх гагц шалгуурт захирагдан, өнөөгийн өнгө мөнгө, зусар болон зуудаг сэтгүүл зүйн үхширсэн арга барилыг арчин гарч ирэг.

Хэрэв сэтгүүлч Танд эдийн засаг болоод уул уурхайн сэдвээр бичих нэвтрүүлэх явцад мэдэхгүй чадахгүйн бэрхшээл гарвал бидэнд хандаарай. Мэргэжлийн хүмүүс, бие даасан судлаач шинжээчдийн эрүүл саруул байр суурийг Танд бид хүргэж, холбоё. Мэргэжлийн хүмүүсийн үг үнэлэгдэх учиртай цаг ирсэн байна. ■

2010.05.21

MAX Tower

The Mongolian Mining Journal, “Хөгжлийн төлөө сэтгүүл зүй” ТББ-аас Монголын олон улсын хөрөнгийн корпораци (MICC), МУИС-ийн Эдийн засгийн сургуулийн Санхүүгийн тэнхимтэй хамтран **“ХӨРӨНГИЙН ЗАХ ЗЭЭЛИЙГ СУРВАЛЖЛАН БИЧИХ НЬ: АНХАН ШАТНЫ ОЙЛГОЛТУУД”** сургалтыг зохион байгууллаа.



May 21, 2010

A training programme on Reporting on Capital Markets was held in cooperation with Mongolia International Capital Corporation (MICC), the School of Economics at The National University of Mongolia, and The Mongolian Mining Journal.

ЭДИЙН
ЗАСГИЙН
ЧИГЛЭЛЭЭР
БИЧДЭГ
СЭТГҮҮЛЧДЭД
ЗОРИУЛСАН
СУРГАЛТ

Сэтгүүлчдийн түгээсэн мэдээлэл хурдтай, хүчтэй, шинэлэг байхын зэрэгцээ ул суурьтай баримт, ухаалаг дүн шинжилгээтэй байгаасай гэж “Хөгжлийн төлөө сэтгүүл зүй” үргэлж хүсдэг билээ.

Эдийн засгийн чиглэлээр сурвалжлан бичигч хэн бүхний өмнө санхүүгийн мэдээлэл, үзүүлэлт, шинжээчдийн анализыг ухаж ойлгон, дүгнэлт хийх чадвар шаардагддаг. Тиймээс бид ийм төрлийн мэдээллийг бэлтгэхэд тулгардаг асуудалд хариулт өгөх зорилгоор “Блүүмбергийн мэдээллийг унших нь” сэдвээр мэргэжилтнүүдийн зөвлөгөөг сэтгүүлчдэдээ хүргэхийг хүслээ.

Эдийн засгийн чиглэлээр мэргэшин ажиллаж байгаа сэтгүүлчдэд судлаач, шинжээчид хамгийн үнэ цэнтэй эх сурвалж байх нь гарцаагүй. Үндэсний судлаачдаа түшиглэн сайн судалгаа гаргадаг бүтэц Монголд бий болоод байна. Монголдоо анхдагч гэж хэлэх үндэсний судлаачдын хийж буй бодлогын шинжилгээ, тэдний эхний судалгааны үр дүн, шинжээчдийн санал бодлыг бүхнээс түрүүлж сэтгүүлчдэдээ танилцуулах болсондоо “Хөгжлийн төлөө сэтгүүл зүй” баяртай байна.






“Хөрөнгийн зах зээлийн ойлголт” сэдвээр МУИС-ийн ЭЗС-ийн Санхүүгийн тэнхмийн багш **Д.Одбилэг**, МИСС-ийн Ерөнхийлөгч **Д. Ачит-Эрдэнэ**, “Эдийн засгийн ухаан, Бизнесийн мөчлөг ба санхүү, Эдийн засгийн үзүүлэлтүүд, Үзүүлэлтүүдийн уялдаа холбоо, төрийн бодлого” сэдвээр Эдийн засгийн судалгаа, эрдэм шинжилгээний хүрээлэнгийн Захирал, доктор **Б.Түвшинтөгс** сургалтыг удирдан зохион байгуулжээ.



Энэхүү сургалт нь 2010 он буюу хөрөнгийн зах зээлийн тухай ойлголт Монголын нийгэмд төлөвшиж дөнгөж эхэлж байсан үед сэтгүүлчдэд анхан шатны мэдлэг өгснөөрөө үнэ цэнтэй, өндөр өгөөжтэй ажлууд байв. ■



2010.07.02

MAX Tower

The Mongolian Mining Journal, “Хөгжлийн төлөө сэтгүүл зүй” ТББ-аас Монголын олон улсын хөрөнгийн корпораци (MICC), МУИС-ийн Эдийн засгийн сургуулийн Санхүүгийн тэнхимтэй хамтран “**НҮҮРСНИЙ ЗАХ ЗЭЭЛ**” сургалтыг зохион байгууллаа.

July 02.2010

A training programme on Reporting on Coal Market was held in cooperation with Mongolia International Capital Corporation (MICC), the School of Economics at The National University of Mongolia, and The Mongolian Mining Journal.



“Хөгжлийн төлөө сэтгүүл зүй” ТББ-аас хөрөнгийн зах зээл, санхүүгийн мэдлэг мэдээлэл олгох ээлжит сургалтаа хийж байна.

Энэ удаагийн сургалтаар **Хөрөнгийн биржийн мэргэжилтэн Э.Одбаяр** “Үнэт цаасны арилжаа” сэдвээр үнэт цаасны арилжаа, үнэт цаасны индекс, хөгжлийн хандлагын талаар системтэй ойлголт өгсөн бол **судлаач Ц.Тамир** нүүрсний зах зээлийн талаар үндэсний өдөр тутмын сонин, сэтгүүл, сайтын эдийн засаг бизнесийн чиглэлээр мэргэшин ажилладаг залуу сэтгүүлчдэд танин мэдэхүйн сургалтыг хөтлөн явууллаа.



Хөрөнгийн биржийн
мэргэжилтэн
Э.Одбаяр



Нүүрсний үүсэл

Нүүрс нь органик ба органик бус бодисын маш нарийн нийлмэл хольц юм. 1758 онд М.В.Ломоносов нүүрсийг ургамлаас гаралтай гэсэн онолыг дэвшүүлсэн. Балар эртний ургамал нүүрсжихэд химийн, геологийн, микробиологийн, физикийн зэрэг янз бүрийн хүчин зүйл нөлөөлсөн. Дэлхийд найрлага шинж чанараараа яг ижил нүүрсний 2 орд байдаггүй. Тухайн орд газрын нүүрсийг үүсгэсэн эх материал болон нүүрсжилт явагдсан геологи, цаг уурын нөхцөл нь өөр өөр байгаа юм. Нүүрс нь хамгийн ихээр Кайнозойн эриний гуравдагч (55%) болон Палеозойн эриний пермийн (40%) галавт үүссэн.



Судлаач Ц.Тамир

2011.03.30

MAX Tower

“Хөгжлийн төлөө сэтгүүл зүй” ТББ Монголын олон улсын хөрөнгийн корпораци (MICC) -тай хамтран **ХУВЬЦААНЫ МЭДЭЭЛЛИЙГ ХЭРХЭН БЭЛТГЭХ ВЭ, ШИНЭЭР ЛИСТИНГ ХИЙХ ҮЙЛ ЯВЦЫГ СУРВАЛЖЛАХДАА ЮУГ АНХААРАХ ТУХАЙ** мэргэжилтнүүдийн зөвлөгөө-сургалт зохион байгууллаа.



March 30, 2011

MICC professionals helped conduct a training-and-workshop on Reporting on Stock Markets and New Listing Operations.

Эдийн засгийн
чиглэлээр бичдэг
сэтгүүлчдэд
зориулсан сургалт

ХУВЬЦААНЫ МЭДЭЭЛЛИЙГ ХЭРХЭН БЭЛТГЭХ ВЭ?

“Хөгжлийн төлөө сэтгүүлзүй” ээлжит сургалтаа зохион байгууллаа. Сургалтад өдөр тутмын сонин, сэтгүүл, телевизүүдийн сэтгүүлчид хамрагдсан юм. МУИС-ийн Эдийн засгийн сургуулийн Эдийн засгийн судалгаа, эрдэм шинжилгээний хүрээлэнгийн захирал, доктор Б.Түвшинтөгс тус хүрээлэнгийн судлаачдын бодлогын шинжилгээ хийж буй судалгаануудын талаар сэтгүүлчдэд эхлэн танилцуулав.

Дараа нь судлаач Баярмаа Төсөв, сангийн бодлогод хийсэн дүн шинжилгээг танилцуулсны дараа тэд сэтгүүлчдийн сонирхсон асуултад хариулт өгсөн юм. Судлаачид судалгаа шинжилгээ хийж, дүгнэлтээ гаргаад асуудлаас шийдэх гарц, арга замыг тодорхойлдог боловч түүнийг бодлого боловсруулагчдад хүргэх, олон нийтэд мэдээлэх боломж бага байдаг. Тиймээс мэдээллийг нийгэмд хүргэх гүүр болдог сэтгүүлчид эрдэмтэн судлаачидтай хамтран ажиллаж, олон нийтэд зөв тодорхой ойлголт өгөх нь ямар чухал болохыг судлаачид сэтгүүлчдийн аль аль нь хүлээн зөвшөөрч байлаа.

Сургалтын дараагийн сэдэв нь Монголын Олон улсын хөрөнгийн корпораци /MICC/-ийн шинжээчдийн бэлтгэсэн “Хувьцааны арилжаанд хэрхэн оролцох вэ?”, “Эдийн засгийн ухаан, бизнесийн мөчлөг ба санхүү, эдийн засгийн үзүүлэлтүүд, тэдгээрийн уялдаа холбоо, төрийн бодлого” гэсэн үндсэн хоёр сэдэв байсан юм. MICC-ийн брокер Б.Цэцэгийн “Хувьцааны арилжаанд хэрхэн оролцох” талаарх мэдээлэл сэтгүүлчдийн анхаарлыг нэлээд татсан.

Судлаачид сэтгүүлчдэд мэдээлэл өгөөд зогссонгүй харилцан ярилцаж, дотно яриа өрнөсөн ажил хэрэгч сургалт болж өндөрлөлөө. Мэргэжлийн үг хэллэгийг олон нийтэд ойлгогдохуйц энгийнээр бичиж чадвал жинхэнэ сайн сэтгүүлч гэж үздэгээ ч судлаачид сэтгүүлчдэд сануулахаа мартсангүй.



Монголын уул уурхайн компаниуд олон улсын хөрөнгийн бирж дээр IPO хийх замаар хөрөнгө босгох сонирхол нэмэгдсэн, иргэд “Эрдэнэс Тавантолгой” ХК-ийн 10 хувийг үнэгүй эзэмшихээр болсон энэ үед хувьцаа гэж юу болох, уул уурхайн компанийн хувьцааны үнэ хэрхэн тогтдог, уул уурхайн төслийг яаж санхүүжүүлдэг, IPO хийхэд ямар шаардлага тавьдаг зэрэг сэдвээр сэтгүүлчдийн мэдлэг, мэдээллийг нэмэгдүүлэх зорилгоор MICS хөрөнгө оруулалтын банкны Ерөнхийлөгч Д.Ачит-Эрдэнэ сургалтыг удирдан явуулав.



“Эрдэнэс Тавантолгой” ХК хэзээ олон улсын бирж дээр IPO хийвэл тохиромжтой, иргэд 536 ширхэг хувьцаанаасаа ямар өгөөж авах боломжтой талаар мэргэжлийн хүмүүсийн санал зөвлөгөө сэтгүүлчдийн сонирхлыг ихэд татсан юм. Мөн дэлхийн мэдээллийн тэргүүлэгч агентлаг Bloomberg-ийн мэдээллийг хэрхэн ойлгох, мэдээлэл, нийтлэлдээ ашиглах талаар зөвлөгөө өглөө. ■